

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XXII

urn:nbn:de:bsz:31-97032

CAPUT XXII.
DE SCORPIONE.

IN solitudinibus Brachmanum, bicubitales inveniuntur *Scorpiones* refert *Cedrenus*: in loco ubi Christiani à Turcis venduntur, flavi coloris, digiti longitudine vidit *Nicolaus à Nicolais*. Alati sunt in Ægypto, duplici instructi aculeo. *Alian. l. 16. c. 42.* In Scythia si vel hominem percusserint, vel bestiam, interimunt: Sues etiam, quamvis cæteros virulentos non sentiant ictus, pereunt, nigri præsertim si fuerint; quisque tamen celerissime interit, aquam si adierit: *Aristot. l. 8. c. 29.* In avitis *Scaligerorum* sedibus, quæ sub Noricarum Alpium tractu jacent, totam regionem colunt sine maleficio. Tanta autem eorum ibi multitudo, ut nullum movere queas lapidem, sub quo non offendantur. *Scaliger Exercit. 189.* In libris etiam nascuntur sine cauda. In orbem adeo gyranur celeriter, ut quasi circino perinde circumagi videantur. *Exercit. 196.* In regione *Acridophagis*, adjacente, tanta illorum ex in tempestiva pluvia orta quondam copia, ut incolæ ictibus vexati deseruerint eandem. *Diodor. Sicul. l. 3. c. 3.* Fatum à *Scorpionibus* devorari, unum solertissimum relinqui, tradente *Plinio* quidam asserunt, qui se ipsius matris imponendo clunibus, & à cauda & morfu liber sit, reliquorum mortis vindex. *Plin. l. 11. c. 25.* At contrarium sentit *Aristot. l. 5. c. 26.* Ictus illius pestiferus maxime est, in sicciori præsertim regione, & sub cane. Inflammari primo incipit locus, & indurescit, rubetque intensus. Æstuat modo, modo occupatur frigore, consequitur sudor, horroris sensus & tremor, externæ partes frigescent, extolluntur inguina per sedem flatus exeunt, capilli eriguntur, pallor decolorat membra. *Cardan. l. 1. de venen. c. 23.* Remedia varia juventa sunt. Africani dormituris pedes & lectos illinebant allio, ut *Strabo* asserit, & *Alexandrinus Ioviano Pontano* autore, quendam

ebibito thure contrito, in quo calatum fuit Scorpii figum, statim sanatum esse testatur. Amittit etiam virus illius aculeus, si lapidem *Perzohar* tetigerit. *Jacob Hollerius* l. 1. c. 1. de morbis internis, ex frequenti herbae Brasiliæ odoratu, natum fuisse cuidam Italo in cerebro scorpionem, scribit. Avicennam vero amicum habuisse, qui cum vellet, ex putridis lignis scorpiones generaret, *Albertus* refert, addens, ex illis alios genitos fuisse.

CAPUT XXIII.
DE TEREDINE & TARRANTULA.

Teredo in ligno est, ex quo potissimum, illi cibatum natura facit. Quamvis autem in multis nascantur arboribus, quercu & tilia exceptis; sunt tamen & alia, in quibus non dantur. Tradit enim *Theophrastus*, & cum eo *Plinius*, abietem circa germinationes decoictatam, aquis inoffensam durare. *Patuit*, inquit *Theophrastus* *hist.* 5. c. 5. id apud *Phneum* *Arcadia*, cum obstructis faucibus, campus in lacum redundavit. Tum enimeductis pontibus ex abiete, cum amplius extumesceret aqua, alius super alium fabricatus. postea extrusis obruramentis unda erupit, discessitque unversa materies, in corrupta comperta, sed forte casuque innotuit. *Vincenius* ex authore libri de natura rerum, pro miraculo ponit, buxum & albam spinam quæ durissimæ arborum, vermes proginere: Quia nux *Euboica* nunquam putrescit. In *Tylo* denique *Arabia* insula, materia est in aquis inoffensa permanens: Ducentos enim demersam annos inviolatam mansisse, auctoratum est. *Phryges* si *Rhodigino* credimus, albidos obefosque vermiculos capite nigricante, qui à cariosis promuntur materiis, inter delicias habuisse, & luxuriam fuisse qui *Xylophagia* comedisset. In dotum *Regem*, vermem quandam in planta nascentem, secundis mensis igne costum abhibuisse refert *Ælian*. In Insula denique quadam
Tala-